

續修廬州府志卷二十八

花翎道銜江南安徽廬州府知府清泉黃 雲總修

名宦傳三

漢以下
州縣

劉伯麟舉孝廉以郎中司徒掾為慎令忠孝正直卒於

家集古
錄

顧雍字元歎吳人州郡表薦弱冠為合肥長轉在婁曲

阿上虞皆有治迹權為吳王封陽遂縣侯黃武四年封

醴陵侯代孫劭為丞相三國志

陶謙字恭祖丹陽人察孝廉拜尚書郎除舒令郡守張

磐與謙父友意殊親之而謙耻為之屈卒以構隙謙清

續修廬州府志 卷二十八 名宦傳三

一

白無以糾舉祠靈星有贏錢五百欲以賊陷之謙委官

去後牧徐州卒張昭等稱其有甘棠遺愛焉三國志
列傳注

顏連無錫人吳孫瑜以為居巢長使與襄安長饒助招

納廬江二郡各得降附三國志
孫瑜傳

宋

李處厚以太常博士知梁縣民有毆人死者處厚往驗

其傷以糟及灰湯之類薄之都無傷迹有一老父求見

曰驗傷而不見迹此易辨也以新赤油繖日中覆之以

水沃屍其迹必見處厚如其言傷迹宛然自此江淮之

間往往用此法墨客
揮犀

黃陞字進仲建州蒲城人崇甯二年進士知合肥縣當

兵興之際一切供給賦取於民陞隨事力爭有不得已視其等哀而均之吏不得因緣爲姦福建通志

王臻字及之汝陰人舉進士第厯知舒城剛嚴善決事

所至有風迹宋史

王汝舟婺源人神宗時爲舒城令推行荒政全活甚多

厯官夔州提點刑獄著雲漢文集百卷明隆慶志

謝惟士河南陳留人建隆初以大理評事出爲廬江令

時江淮新設縣治撫綏士民境内以安明隆慶志

吳懋字禹功陽羨人徽宗時爲廬江令時劇盜劉伍囊

橐廬壽問寇掠旁縣去廬江纔一驛懋赴任行至中途

或止其行懋笑曰男兒當斬寇平亂此鼠輩何爲者今

續修廬州府志 卷二十八 名宦傳三 二

行縛之盜聞其來不敢入境後羣盜被獲吏詰其何獨

不擾廬江曰畏吳令耳明隆慶志

楚建中字文正仁宗朝以天章閣待制出知無爲軍清

靜不擾在郡無赫赫名去後民立祠祀之知軍趙汝談

爲之記明隆慶志

王遵哲宗時知無爲軍爲民興三圩開十二井又築北

嶺以捍水患至今蒙其利明隆慶志

米芾字元章吳人也爲文奇險不蹈襲前人軌轍善書

畫好古鐘鼎器皿法書初宣仁后在藩邸時芾母出入

邸中以舊恩補校書郎嘗爲太常博士出知無爲軍逾

年復詔爲書畫博士擢禮部員外郎子友仁字元暉亦

善書畫世號小米東都事畧故老相傳芾在郡時飛蝗入境

不傷禾稼以為異云明隆慶志

陳瓘字瑩中南劍人大觀中以右司諫彈蔡京謫知無

為軍為政廉平明隆慶志

李柄字子權歷陽人知無為軍有聲明隆慶志

王愈知信州禦方臘有功因忤時相坐廢汪存訟其屈

起知無為軍多異政明隆慶志

胡伸字彥時婺源人文學與汪藻齊名時人語曰胡伸

汪藻江南二寶以司業出知無為軍會巢縣猾民有訴

令歛錢若干積置列肆中伸察其妄果廉得其積與簿

書具載所以餉吏者遂按致訴者罪公政尚慈恕利病

續修廬州府志 卷二十八 名宦傳三 三

灼然去之日士民繪其像於學校明隆慶志

趙淮丞相葵之從子也值李全之叛屢立戰功官至淮

東轉運使德祐中戍銀樹壩兵散與其妾俱被執至瓜

州阿木使淮招李庭芝淮佯諾至陽城下大呼曰李庭

芝男子死耳母降也阿木怒殺之棄屍江濱宋史列傳

趙汝談字履常河南人丞相趙汝愚欲驟以詞掖處之

力辭汝愚去國其弟汝讜力上疏乞留汝愚兄弟同罹

黨禍斥去改知無為軍獻料敵備邊二策後宋沿邊諸

郡兵事無肯任責者其言悉驗宋史列傳

丁仁湖廣人甯宗時知無為軍築堰蓄水溉田民德之

呼為丁公堰後領兵解合肥之圍明隆慶志

孫吳會字楚望雷溪人端平間登第監州興革時務咸得宜善詩文不尚綺麗明崇禎志

趙登善字從之紹熙中為巢令葺理縣治尤注意學校

殿堂門廡煥然一新紘誦藹然文風為之丕振府案

江瑄理宗時為巢縣令飭縣治振士風修學校有仁厚

之政康熙志

元

變理溥化蒙古進士泰定間任舒城縣達魯花赤時旱

民甚飢凡素藏之家悉遏糴民欲劫廩幾至亂公聞於

朝獎激好義之家出鎡糴穀實民數驗口調給民賴以

生又修學舍明倫堂縣治東有龍眠書院基為僧所併

續修廬州府志 卷二十八 名宦傳三 四

乃復之新其廟元學士虞集揭後斯為之記康熙志

兀顏綱字仲常至正初廬江尹政務寬厚民心信服首

新文廟而春秋朔望命士皆唐服從事彬彬有大雅風

明隆慶志

明

胡璘山東歷城人景泰進士天順甲申知合肥公勤仁

恕士民戴之擢監察御史記名宦明隆慶志

楊鍊河南靈寶人登進士知合肥明敏剛斷案無滯牘

擢監察御史記名宦明隆慶志

孫聰字克明直隸開州人登正德辛未進士知合肥寇

亂之後悉意安輯民漸復業至今頌其恩明隆慶志

潘恕字行甫廣東海陽人知合肥吏民一見輒不忘置學田數百畝歲收以給寒峻

明隆慶志

陳其樂江西貴溪人嘉靖辛丑進士知合肥雖居官家人不廢紡績其同邑夏言當路未嘗一通書問

明隆慶志

余嘉詔廣東順德人嘉靖乙丑進士知合肥嚴毅寡合境內當災傷凋瘵之餘刻意節省定為規則鐫之堅珉

政成擢監察御史

明隆慶志

萬鍾祿江西東鄉人隆慶戊戌進士知合肥廉明端慤吏民不忍欺擢南京刑部主事去之日闔邑遮留

明隆慶志

胡時化字龍匯餘姚人進士隆慶五年知合肥先是肥田但插標為識弓口無實數稅畝者影響立法以三等

續修廬州府志

卷二十九

名宦傳三

五

九則徵之一切供億取足甲戶時化令置官弓親丈每石派差糧若干每丁五分命曰一條鞭是外絕無科斂名色官私俱便尤雅意作人刻名世文宗為多士舉業

資

明隆慶志

陞懋龍字啟原鄞縣人登進士知合肥前任胡時化定一條鞭吏侵欲撓其成懋龍下車搜狡吏大劄之重文士亦論士自重一見兩造有子矜鞠雖寬弗善也祀名

宦

明隆慶志

涂喬遷字聲宇江西南昌人登進士知合肥值歲大荒多方捐賑有奸胥乾沒者訪戍之肥當衝劇夫征馬驛重為民困每僉報一人咨歎良久既擢御史猶深以為

慮每向當路者肫切言之歷左通政南太僕卿三過肥
邑邑中之人如瞻慈母明崇禎志

胡震亨字孝轅海鹽人舉人知合肥聰察苦神頑梗至
前一屬目便能指數姓名邑鳳糧役舊僉民戶領價糴

解申產立盡乃請為官解以丞簿尉遞主之而於羅價
外量加耗羨官民稱便諸猾多假近胥為因緣廉其狀

痛榜之曰某在治有毒吾民者載糶以俟一世家裔犯
偷資以金錢其人媿感卒為良士任五載遷守德州因

母老告歸明崇禎志

熊文舉字公遠崇禎時知合肥為政廉平流賊至分守
西偏築威遠亭於其上指畫有方江南通志

續修廬州府志 卷二十八 名宦傳三 六

侯佐字東俾山西進士知合肥剛正明決槩卻竿牘歲

早開倉賑郵獎激好義單騎擒亂民十餘人置之死遠
近帖然擢吏部康熙志以合肥知縣

鄒原方滕縣人洪武甲辰知舒城縣事招徠流亡撫郵
淵徹民賴以安明隆慶志

員議陝西鳳翔人前中書省掾洪武丁未知舒城縣事
夙夜精勤究心民瘼扶衰起憊政通民和明隆慶志

朱學淵新淦舉人臨政勤敏出以公廉稱舒之賢令焉
明崇禎志

劉顯豐城人登乙科知舒城課農桑興學校增開水利
高下合宜剛廉得民隱邑人頌之與漢劉馥俱祀羹頤

侯廟

明崇禎志

程文確山人登進士成化十八年知舒城練達吏治鋤

抑強梗興學校重水利均徭役災傷為舒民懇免歲辦

繇賦擢御史士民立碑以誌

明隆慶志

劉欽順石首人登進士嘉靖間知舒城縣事公廉勤敏

注意文學政暇輒詣鄉社訓誨生徒

明隆慶志

程善江西監生為舒城令大得民心三去民三請復爰

戴益切於初

明崇禎志

郭懋江夏人舉人知舒城縣事鼎建石城繼至者藉手

訖工捍衛之功永垂不朽卒祀名宦

明崇禎志

陳魁士漳浦人舉人知舒城縣事定條鞭摘奸宄清水

續修廬州府志

卷二十八

名宦傳三

七

利捐俸葺龍津一橋民無病涉與利除害舒民食德無

窮

明崇禎志

朱長春字大復烏程人登進士擅文名日與士講藝手

批口授寒暑不停適有河夫大馬諸檄處分已定而民

不知巨奸積猾為之落膽邑頌神明以憂去

明崇禎志

林材閩縣人進士知舒城縣事公明廉峻令行禁止倉

儲遍野荒政聿修十七年大旱以所積羨餘抵完馬價

六千免民額徵舒人至今傳頌

明崇禎志

王觀光字子聞福建晉江人知舒城縣縣富民多飛灑

脫役貧者益困觀光總計米額設法派貼貧富始均有

屠謀殺其伴投屍與刀潭中仍自控訴亟馳視之有蛙

跳蓮葉鳴不已使沒水驗之得屍屠刀在焉遂抵罪一
男子偽為婦人裝出入富貴家事發不訊立斃之遷刑
部主事有富商奴吳榮擁資數十萬投魏璫反噬其主
璫敗繫獄榮布賄求脫觀光立擬斬決輿論稱快

福建通志
以上符
城知縣

伍塾字貢均江西廬陵人洪武間知廬江縣開設縣治
招撫流移嘗手書孝經論語教民誦讀廉能之聲籍甚

一時
明隆慶志
江南通志

馬驥字良德山東安邱人宣德間知廬江縣事威德並
行邑內稱治九載去民思之立遺愛碑

明隆慶志
李顯字允明河南扶溝人國子生正統間知廬江縣事

續修廬州府志 卷二十八 名宦傳三

廉勤公直人不敢干以私遷冀州知州

明隆慶志
梅江字文淵秀水人進士成化六年任廬江令與利剔

蠹為政清平擢監察御史

明崇禎志
浙江通志
劉紳字宗儒衡陽人進士成化九年為廬江令節勞費

惠貧窮薄賦省刑加意學校以饒直忤上官越十餘年

始陞南口部主事

明崇禎志
胡暘字景和直隸任邱人進士宏治中為廬江令蒞治

清肅多惠政人無敢欺嚴冬風雪惟蕤薪以禦寒日民
有雪飛卧榻者吾忍擁鑪哉重築邑城民賴之後擢御

史

明崇禎志
明統志
劉瑄許州人舉人自京山改廬江令守廉持正事舉民

安興學作人務期實效凡士民赴愬誣者自服後以例去起知交河令

明崇禎志

王家賓字西野河南固始人舉人嘉靖中為廬江令值歲旱民飢多方賑救民賴更生興學造士不阿權貴竟以例去

明崇禎志

劉裁廬陵人舉人為廬江令政蹟懿美民不能忘去之日立祠以祀

明崇禎志

劉逢愷字策齋泰和人進士嘉靖間補任廬江令僅八月政善民安倡理學抑貂璫清驛傳蘇民生之苦後轉光祿丞又為廬郡省養駒之費至今稱惠

明崇禎志

趙國琦字太室南昌人進士知廬江縣事甫下車創文

續修廬州府志

卷二十八

名宦傳三

九

昌閣課多士文風以正調勻山圩糧賦一切商稅火耗

悉申裁革拔冤鋤梗城社肅清未及期調繁常熟

明崇禎志

劉時俊字夢霄四川富順人進士知廬江事毀城南司

疫廟為大觀書院力行教化除奸鋤暴甫二載而訟獄清勾稽省桑麻遍野狐鼠潛踪改調桐城士民如失慈

母

明崇禎志

彭大科字愧名分宜人舉人為政平易近民除刁猾隣邑有豪強魚肉我民者以去留爭之縣苦差徭乃令里甲朋當以均勞逸省耕重農分社造士擢兵馬司逆璫新第成獨不舉賀生平梗概可知

明隆慶志

楊墀字對龍陝西選貢知廬江縣立心仁厚愛士興學

陞南康府同知

康熙志

耿廷錄字虞門雲南舉人知廬江縣事為治刑清訟簡兩造自拘以聽免罰贖謝賂遺

康熙志

劉五緯字夢鳳四川人進士知廬江有善政調繁無錫

錫民於順治年間建祠追祀

康熙志

以廬江知縣

董曾知無為州陳友諒執曾欲降之不屈縛而沈諸江

世傳泥汊口即曾遇害處

明崇禎志

唐元字元亨臨淮人國子生洪武中知無為州招撫士

民勞來有序深得民心擢太僕少卿

明崇禎志

樂瓚潞州人洪武十年知無為州剛毅信直吏民畏服

南畿志

續修廬州府志

卷二十六

名宦傳三

十

李允恭知無為州事公平廉直人多稱頌

明崇禎志

李恪知無為州正己率下多嚴威吏民悚戴

明崇禎志

鄒以信廬陵人永樂五年知無為州政尚德教州人感

化謂其博學能文稱為文章太守

南畿志

王仕錫南城人永樂二十二年知無為州興學勸農修

廢舉墜任滿民留之復任九年

南畿志

楊士侗福建建安人進士任無為知州賦性明敏文學

政事俱優州治景物多所題咏時亦以文章太守稱之

明崇禎志

禎志

杜彪魏縣人舉人知無為州初下車故不治事吏胥竊

喜謂可欺已而情弊灼然廼振紀綱均賦役鋤強扶弱

奸豪斂跡以廉能著稱

明隆慶志

李傑北直真定人舉人知無為以孝聞洺政慈惠為民

所思

明崇禎志

趙璧山東歷城人進士以給事中判無為陞知州清慎

有治才擢陝西僉事

明崇禎志

馬儁山西陽曲人舉人知無為廉平正直民至今思之

明崇禎志

李玻縉雲人舉人正德中任無為知州以憂去嘉靖五年復任修舉廢墜勤政愛民久旱暴日申步禱甘霖立

沛

明崇禎志

李麟萬安人進士嘉靖八年來知州事清簡明決政暇

續修廬州府志

卷二十六

名宦傳三

十一

至里社為童子正句讀教以詩禮有古循吏風

明崇禎志

毛一言紹興衛人以僉事左遷知州貞介剛直人皆敬

憚三年惟一僕從任祇存數篋以藏圖書即古廉吏不

能過

明隆慶志

何寵臨海人由進士任知州慈祥愷悌不事苛察至法

所當施亦不假借時倭夷警報修築城池民為立祠祀

之

明隆慶志

洪邦光號賓吾同安人進士知無為清貞卓練州土田

自唐元立折算之法除養馬免糧田外一切歲辦甚重

民或田多賦寡或無田包賠從未得均邦光酌議申請

分為四則一曰山圩田灘田其稅為秋糧一曰山圩地

基場灘地其稅爲夏麥一曰柴草石等山荒岡草灘其
稅爲絲綿一曰潭溝塘墻其稅爲糖油各有差等將稅
糧馬價照畝均攤原額罔失至今垂爲定例

明崇禎志

查志文字岐峯浙江海甯人由舉人通判廬陽尋視州
篆萬曆八年以河工加陞本府同知仍掌州事惠愛士
民政事畢舉鼎新學校築金墩修南橋與里社祀八蜡
復鄉厲壇纂輯郡志皆一時盛舉值歲旱潦疫癘施粥
布泉給藥餌賑種具以生活一方拯恤之術纖悉具備
其播之輿頌者不可殫述

州志

陳應龍號起田福建侯官人進士知無爲州土橋河清
山圩受九江一帶江流民築堤江潏爲圩大小凡三百

續修廬州府志 卷二十八 名宦傳三

七

六十有零盛夏水漲江流內與黃白二湖水合百里膏
壤盡歸漂泊應龍親涉汙萊浮大江經畫累月照糧派
夫築堤五千二百七十餘丈以捍江湖自是歲事乃登
後人得援制增補以息江患人思其德名曰陳公壩云

明崇禎志

何邦漸號紹渠雲南浪穹人選貢判鳳陽府陞無爲知
州大荒之後停征省役猶胥蠹民者盡法釐剔案無留
牘日延賢德訪民瘼先是州漕米三千八百餘石例運
黃洛河交兌北上又五千一百餘石由長江水行千三
百里解鳳陽既至又僦車運二十里乃抵倉江濤覆溺
及虧耗需索甚爲民害而鳳陽臨淮二縣故有漕米五

千四百餘石彼民亦久苦北運邗漸請留二縣米充鳳陽倉而以本州之米并於黃洛河交兌將水脚銀代鳳臨買米三百石以足原數爲惠無窮末一載調邗州深山窮谷之老相與淹闕罷市遮留浹旬而後去

明崇禎志

李作舟號二溟合州人進士任無爲知州喜文翰加意作人聽訟務盡其情凡糧課耗羨供辦進奉等項一切革去其自奉甚菲居恒服大布之衣一日大寒市褐爲裘書吏題封曰價若干買細褐一疋作舟易之日照價買常褐吏民進見皆不忍欺陞戶部臨發惟圖書數冊庫吏進羨金悉封存解腰帶作路費以行

明崇禎志

孫慈字生白蘄水人知無爲州莅任初六曹案牘山擁

以進慈剖決如流詞訟紛呶不煩數言兩造俱服課士於墨池親爲殿最有和州盜叛及本州良民勾提者視爲奇貨將屬饜焉至州墀趨趨不敢進慈詢數言立釋之隸駭服閱半載民幾無訟諸役至投牒告退民八十以上者致粟帛親詣其間爲進食焉恤孤賑貧視民如

子

明崇禎志

史應選懷慶人進士天啟三年知無爲慈惠愛人值歲荒遠鄉饑民有掠穀者公含淚薄撻之民由是懷其德率安分待賑州賦舊例官徵民解差役煩劇民甚苦之應選定法官解民困咸蘇考最陞蘇州知府去士民立祠以祀

州志

張化樞雲南舉人崇禎十五年任湖廣漢陽府推官淮撫史可法知其才以無爲遭賊新破俾領州事化樞至招流亡撫瘡痍摘姦發伏十一月流賊夜襲城擁化樞去俟渡橋乘間投水賊急挽之不得死擁至桐城使呼城化樞大呼曰我無爲知州也賊脇我至此城不可開賊殺之州志

劉穀字原實龍泉人補無爲知州除水面錢均夫差門

無私謁江南通志以無爲知州

陳華知巢縣事當開設之初百凡未興華才思流通敏

於應務庶績聿新未幾以事去明隆慶志

桂廷用洪武中知巢縣事介節自持政先本務諸解署

續修廬州府志 卷二十八 名宦傳三 四

皆其營建明隆慶志

王甯湖廣邵陽人國子生洪武三十四年知巢縣事宅

心明恕治有成績明隆慶志

閻徽山東蓬萊人知巢縣事愛民勸土賦役均平有馴

虎之異歷考異明隆慶志上章留之擢本府通判仍莅巢事

明隆慶志

吳英裕州人成化間知巢縣理繁治劇井然有條奸胥

無所措手江南通志

費廣四川進士知巢縣初如烈日嚴霜旣爲和風甘雨

政成擢御史康熙志

林宗哲廣東瓊山人舉人宏治元年莅任巢邑纂輯縣

志康熙

何文邦廣東進士李諤河南舉人俱正德間巢縣知縣

先後有禦寇功康熙志

樊韶浙江監生嚴宏湖廣舉人前後知巢縣事惠政著

聞民間肖像以祀康熙志

朱潤山東進士知巢縣事器量寬和設施易簡推給事

中康熙志

周思克餘姚人律已廉斷事敏去後以事過巢百姓擁

車不能行祀名宦康熙志

柳應侯山西舉人知巢縣在任訪形勝於山川較臧否

於人物重修邑乘具有體裁康熙志

續修濠州府志

卷二十八

名宦傳三

五

陳經言浙江選貢知巢縣為政敦大體慈愛百姓肅清

吏胥莅巢六年百度振飭興學作人修洗耳池亞父碑

亭移浮橋甃砌街衢至今士民仰戴康熙志

馬如麟浙江舉人賦性愷悌愛民如子始至邁歲役力

拯揀全活者眾知巢三年勤撫字均徭役作興士類勸

課農桑以憂去民思慕之建生祠在囊皋鎮康熙志

王以霖廣西舉人知巢縣為政不事煩苛端精課士首

浚濠河開古弔橋自是科目不絕以權稅事件中璫去

康熙志

夏崇謙治巢練習吏事明決犀利奸宄屏跡陞徐州守

士民至有千里走候者康熙志

蔣英才四川選貢治巢不任刑名獨崇寬大催科不擾
吏無舞文康熙志

嚴覺字知非浙江舉人知巢縣詳慎嚴肅乙亥流寇破
城被執不屈死之家屬同時殉難事聞優卹康熙志

耿獻忠字伯良陝西選貢知巢縣才敏有膽略吏畏如
神時黃藩鎮州將卒縱橫獻忠御以權術咸為斂戢歷

兵備道順治初撫粵西康熙志

甯承勳順天大興舉人崇禎十年任愛士恤民築城浚
濠募勇敢鑄礮以俟賊賊知城中有備不敢近又設穀

賑饑民賴以活者甚眾行取廣西御史去民建生祠北

關縣志以上
巢縣知縣

續修廬州府志

卷二十八 名宦傳三

六

國朝

張鯤翔字鵬舉陝西人順治丁亥進士知合肥為政和
平嚴不過刻寬不過縱時皆以循良稱之江南通志

呂鳴燕北直舉人知合肥仁恕清約未及一載卒貧不
能殮士民資助歸葬康熙志

岳呈祥北直人順治間知合肥政簡刑清民稱慈母卒
貧不能歸葬縣志

張九箴北直人康熙二年知合肥英明敏決案無滯贖

陞蒲州知州縣志

方象璜字雪珉浙江遂安人進士任荊州司理康熙初
改授合肥為政持大體不事煩苛廉明端正吏胥不敢

欺任二載以艱去縣志

左輔字杏莊江蘇陽湖人進士前合漢軍人李法李堯文相繼治肥均有惠政輔承其後一以教民善俗為本修邑志禮文士剔弊安民振興士氣絃誦之聲偏於鄉邑後仕至湖南巡撫采訪冊

陳斌字白雲德清進士博瞻能文章治合肥時安民不擾待士有恩一時人文蔚起多知名士邑人以其政治比美左輔云采訪冊

劉珊字介純湖北漢川人先世籍南昌珊早擅文譽意氣奮發以古賢自期中嘉慶十六年進士分發安徽知縣權桐城補天長調合肥其治合肥也相度地勢高於

續修廬州府志 卷二十六 名宦傳三

七

他縣不能蓄水雨澤稍不應期耕者即束手無計以故歲比不登珊躬至鄉村與紳士耆老議每田十畝捐二十之一以為塘徧諭以周官溝洫之制蓄洩之利民初難之久乃漸省悟役既興又為獎勵勤惰塘卒以成嗣是歲常有秋耕者賴之公暇賓禮賢士獎借詩人與太守薛玉堂訓導陸繼輅同事一方以吏治詞章相切劘二十四年大計卓異未引見

特旨擢泗州知州旋署潁州府事道光二年又以平踞岳家莊邪教邢名章功奉

旨賜花翎擢陞廬州知府珊惠政久在廬邦人望之而大吏奏調潁州久之以疾卒官年四十六陸繼輅文集

陸獻字彥若號伊湄江蘇丹徒人宋左丞相秀夫裔孫
道光元年卒已

恩科

順天鄉試舉人由回疆軍營保舉九年選授山東蓬萊縣

知縣歷任萊陽曹縣保陞知州十九年揀發安徽以繁

缺知縣用署合肥縣八月到任首以除暴安良興學校

勸農桑培補地方元氣爲要重梓農書二卷蠶桑輯要

八卷並刊尊樸齋詩鈔在任二年政績甚著著有山左

蠶桑攷刻入高唐州志咸豐九年以山東巡撫文煜請

入祀山東名宦祠

采訪冊陸氏家乘

沈祥煦貴州松桃廳人道光中任合肥知縣值歲旱步

行祈雨甘霖即沛府城圯捐資重修又捐穀千石倡建

續修廬州府志

卷二十八

名宦傳三

六

豐備倉十九年任宿州政平訟理升泗州知州卒官貧

不能具棺衾遺書數篋而已祀名宦祠

郵鈔宿州志

張靖字松亭漢軍進士勇敢質直巡撫李嘉端奏調至

皖咸豐四年署合肥知縣髮逆據三河鎮靖集練數百

人會同署舒城縣知縣婁業士攻之賊已敗復來所從

鄉勇有走者賊噪而進靖直前決戰甚苦而陣雲殷然

如血流青黑氣覆壓陣前走者益多靖受重傷投河死

縣志采訪冊

王映奎漢軍人任合肥知縣咸豐八年七月髮逆自舒

城犯廬州城陷死之

合肥兵事志

王鴻飛字厚山韓城人同治癸亥進士署令合肥樸誠

自矢不愧儒吏於緝捕聽斷均能盡心調補蕪湖縣采訪

冊以上
合肥知縣

孫宏喆字仲常山東樂安人進士順治七年泣廬江任時城垣崩宇皆燬於兵宏喆捐俸繕女牆蓋重關築滾壩合水注濠濠城內外無主遺棺建公署新學校立社學造士朔望考校增置倉廩立養濟院修邑志在任數年百廢具舉公餘染翰摘詞多流麗可誦後以海寇薄城失守死葬重關內士民為立碣復立位於社學以祀之咸豐三年寇掘濠發其冢邑人霍燹為改葬東關外

大房莊縣志

祁文友廣東人進士順治十八年知廬江縣清丈量均

續修廬州府志 卷二十八 名宦傳三 九

里甲平賦役勸課農桑士民賴之政成擢工部主事江

通志

許長庚湘潭舉人康熙十七年知廬江縣天資仁厚政

簡刑清罔囹空虛府案鄉人納糧者至牧驢其中旋卒官

新修
縣志

李衍芳字徵遠雲南人康熙二十三年知廬江邑南有

二湖環湖皆圩田惟缺口一河通江洩水豪民每截河作壩障上流以資灌溉澇則以隣為壑又編竹橫於河

以收魚利民病之衍芳特申請除去江南通志

王仁深儀封人聰明有膽略知廬江下車之初懲拳勇

豪猾凡武斷鄉曲者無少貸遁逃穿窬望風遁跡澆俗

以革縣志

吳賓彥字榮園錢塘人由經歷陞任廬江慈祥愛民為政務安靜與士民相接善氣迎人在任十年邑無擾害

續修邑乘陞耀州知州縣志

孫承祚正白旗人性明敏善折獄猾吏奸民不得逞志振興學校刻有廬江課士錄在任九年卒於官縣志

陳慶門字容駟陝西盩厔人進士雍正七年任廬江剛毅有為修學宮倡捐六千金築城濬濠置義田建社倉

在任六年遷達州知州縣志

方芬字香浦香山人乾隆間知廬江縣清廉自矢案無留牘在任因公賠累數千金以艱歸士民醵貲代償乃

續修廬州府志 卷二十八 名宦傳三

三

得行通志

華浩號湘屏無錫人癸未水災勸捐放賑興復文廟禮

儀樂奏縣志

徐竑號重侯德清人水災賑貸有方三年寇熾邑中土匪四起竑偕紳辦團嚴治土匪擒其魁誅之縣志

熊炳南號理元湘潭人同治元年任辦大營轉運給價以恤民辦地畝剔荒征熟縣志

黃光彬號質軒連江人進士寬厚和平為政持大體修建文廟重刊邑志舊本以存文獻縣志以上廬江知縣

王宗聖遼東人知舒城縣詳慎清操政尚寬平和而能介邑經兵燹之後安緝流亡威德互用府案

張可捷大同人舉人知舒城縣爲人恂悞無華不以才智自銜安靜寬和順民好惡時稱循吏府案

蔡其珍營山人解元知舒城縣廉明惠愛不剛不柔奸吏舞文者必痛懲無敢欺飾民甚賴之康熙志

何朝聘奉天人康熙初知舒城縣明敏有才略正賦不

缺於供而民無催科之擾招民墾田給以牛種治舒七載獄頌衰息江南通志

張文炳臨川人舉人知舒城縣寬和廉潔教育士子接見必以禮勤於撫字閭閻無催科之擾壬子南闈校士多得名宿府案

周國柱奉天人任舒城縣舒介江淮孔道輪蹄相接廉續修廬州府志

卷二十六

名宦傳三

三

能克己徵求不擾履畝清糧除奸剔弊邑人愛戴之府案

董守義奉天人康熙中知舒城縣有幹濟才逆藩之亂舒爲衝邑大兵往來驛路舟車芻糗應時而辦閭閻無

擾邑人戴之江南通志

張傑陝西三原人舉人爲舒城縣廉明仁恕鞠獄公平人莫敢欺寓撫字於催科邑無遺賦課士愛民前令張文炳修邑乘未成傑虛衷採訪遂克成書府案

朱振嘉興人進士爲舒城縣時漕政令紅白分儲民有揀米之苦振懇請漕院得免其役江北至今賴之縣西北鄉田舊資七門堰水明季寇燹後豪強占塞田多苦旱振開壩濬溝俾山水盈科而進漑數千頃十蕩九陂

咸食其德又烏羊堰故道久湮振相度形勢重開包家堰而舒之東南鄉遂爲腴田上臺有清絕一塵才堪肆應之獎以勤致疾卒於任崇祀名宦府案

王朝瑞山東長山人貢生爲舒城縣甫下車卽捐修明

倫堂設崇文書院立義學實行督課絃誦不輟七門堰

故道淤塞極力開濬民咸利之鼓樓圯復爲修建衙舍

湫隘更爲改創彰善癉惡四境肅清舉修廢墜不勞民

力遷平遠州又補六安州卒於官府案

周振舉祥符人進士素有文名由盱眙調任舒城縣課

士以文教民以儉決獄明允濬舊河興水利時有水災

親督吏役作筏救民全活無數後卒於官府案

續修廬州府志 卷二十六 名宦傳三 三

李光挺興安人舉人治舒城縣以慈惠著愛民禮士歲

早潔齋步禱甘霖立霈居常布衣蔬食不喜儀從舒人

愛戴之府案舊志

蔣鶴鳴秀水人爲舒城知縣舒自明以來水道淤塞田

多旱患鶴鳴下車卽講求濬治捐俸勸輸士民樂助是

歲適遭荒歉卽令貧民受值執役不三月開久湮之河

七十餘里民不告勞工亦速竣浙江通志

郭起元字復齋福建閩縣人以賢良方正授舒城知縣

下車釋冤獄數十人福建通志

徐紹鑑字治通號靜山乾隆辛未進士淹通經術文章

名家治舒城縣以作興人材爲先務所賞異徐百楷李

秀任嗣淹祝椿齡輩十餘人皆一時之選親爲督課飲食教誨之又於曉天桃鎮諸鄉塾延名師時親臨教導

舒人思之

采訪冊

劉作垣甘肅武威人乾隆十六年知舒城縣創龍山書院置田租建講堂嚴立規條士民蒸蒸然化之

通志

海柱滿洲正藍旗人乾隆四十二年任舒城舒當孔道差役紛煩民甚苦之柱正直不阿上憲差至若行所無事決獄明允四民欽服遇命案絕無株連莅三載崇尙寬大不爲煩擾

采訪冊

劉丙字石久山西副貢知舒城縣道光二十一年山水暴漲橫流漫城市道路絕鋪戶以囤積居奇民無從得

續修廬州府志

卷二十六

名宦傳三

三

米甚窘丙構麵爲餽既按貧戶給之已又察鋪戶有米者令出糶增其價不糶予重罰米乃出民得不死海疆警大兵道出舒城丙曰司牧以撫民也吾安忍病民乃走貸同鄉之賈於舒者具供帳厨傳徭役皆以身任民無毫髮擾居官廉明勤幹簡車從清訟獄爲政一以愛

民爲本

采訪冊

余國卿字方屏四川舉人道光中署舒城縣事仁明強幹初下車有告訐者面詰之數語卽折服胥吏不敢受一錢決獄平允蒞舒之明年縣大水前此歲屢淹不逞之徒蠶起蟻聚愚民迫饑餓往往負鋤耨相隨行劫至是復然國卿立率民壯乘船往擒其豪猾數十人置之

法匪黨盡散民以得安復勸捐賑給全活甚眾水既退近水墳墓摧壞又勸募邑人檢瘞之隆然成長隴將去任舒人欲立遺愛碑固不可廬江吳徵士廷香爲文與詩述其政至今父老言好官者猶稱余青天采訪冊

婁業士字席珍咸豐三年正月省垣陷民無賴者相聚攻劫合境騷然業士率兵與海遊擊至舒城捕定之四年署舒城縣統開化勇會合肥知縣張培攻三河踞賊擊之走會奸細以虛實輸賊賊還戰他賊又以舟師來援眾數萬業士迎擊於新河是時所統兵合張培所將不過數百人去大軍遠倉猝無援三河市中民咸執戈從其後賊望見之噪而進業士揮眾前鏖戰甚苦而市續修廬州府志 卷二十八 名宦傳三 三

人駭走兵亦遂潰張培死焉業士走免卒從何文忠桂

珍殉節英山

采訪冊 張培冊誤 作械據合肥志改

陳元泰世襲雲騎尉咸豐十一年以府經歷署舒城縣事帶勇擊賊吳家畝九井等處又會同楚軍剿賊中梅河并克復縣城生擒賊目積功保知縣修城垣設米倉善後事宜次第具舉通志

延齡號錫九滿洲正藍旗人世襲雲騎尉道光庚子舉人初任舒城值民遭兵燹加意撫卹每催科必量地之遠近給差役路費禁需索舒人安心開墾去後猶思之

采訪冊

周巖字伯度浙江山陰人由副貢考取知縣同治十二

年任在舒八年明聽斷有政聲士民愛戴去之日送者塞途爲立碑於南樊官道采訪冊以

冬國楨奉天人順治中知無爲州瀕江田廬恃圩壩爲

捍蔽十六年三壩將圯國楨相度形勢自鮑家橋至周

思溝預築堤四千丈有奇名曰四壩後三壩傾而田廬

卒無恙江南通志

喻珩江西進士知無爲州剛正明決精於吏治人不敢

欺時有豪惡肆行不法珩廉得其狀立除之編審之役

宿廟誓神期公期慎宿弊爲之一清康熙志

顏堯揆永春人康熙六年知無爲州時前牧佟國楨所

築新壩漸爲江濤所齧揆自李家祠至王家渡築壩八

續修廬州府志

卷二十六

名宦傳三

五

百八十丈闊三丈高一丈九尺次年大水田廬恃以無

恙并和州含巢二縣皆賴焉州民勒石於壩上名之曰

顏公壩江南通志

楊奇烈字元初奉天人貢生知無爲州先任登萊道以

望誤左遷才猷素著甫下車政聲卓然士民引領望惠

不久離任常誡其子極曰異日當爲清白吏後十餘年

極以貢知無爲之巢縣兩署州篆先後三臨州治亦異

數也康熙志

胡良佐奉天人以部郎任宿州同知陞無爲知州事清

正嚴毅折獄明敏有某姓兄弟濟惡爲民害下車立置

之法自是姦盜屏跡良佐性多忌卒以是去官州民哀

請復任未二載復去官

府案

陳文言奉天人舉人任州事公平正直人不敢干以私裁斷摘發如神建立芝山書院以州民誣爭官洲詳請歸公爲薪水膏火資培植多士尤爲盛舉去之日民遮

道泣送

府案
嘉慶志

孫榮昇號曉帆山東膠州人由監生選任無爲州知州多善政恩威並著尤惠愛士林捐建繡溪書院措銀千兩生息添助肄業膏火並建立蒙書院及養濟院惠績在民至今猶稱道不衰

采訪
刊

陶云號竹侯江蘇常州人監生以同知署無爲州事愛士恤民政聲卓著勸諭復凝泰洋文興三官洲歲各捐

續修廬州府志

卷二十六

名宦傳三

三

繳銀一百兩三年共銀九百兩以七百兩歲科兩試給禮房備辦考童試卷以一百兩給禮房兩考童生覆試卷費餘一百兩充諸生鄉試盤費歷行無異

采訪
刊

穆其琛字海航四川華陽人舉人同治壬戌年任無爲州知州政簡要性節儉城初復一切草創專以息民爲先務冬十一月賊大隊突至圍城其琛據城固守民恃以無恐適劉運捷領兵至賊始退在任愛恤士子以公款買北城外二里半墩田二百餘畝爲學校公需後卒於任所

采訪
刊

陳炳字紹卿山陰人監生咸豐八年以從九到皖署來安典史代理知縣事旋署全椒兼護滁州力辦防堵豫

勝營降勇不敢生事敘防禦功保花翎知府銜以同知直隸州用在任四年撫綏甚至同治二年春以父憂去官江督曾國藩留之不可服闋旋省署巢縣倡捐修城復城南浮橋建水龍局修考棚及養濟院及在祀典之神廟未及三年次第畢舉民間凋敝亦漸蘇七年調署合肥縣有五任交代未結爲之清釐欠款三千餘金念故員無可追繳正項難以虛懸毅然請代彌補之訪有漏網積匪殷刷虎密率幹役掩捕之置於法及其黨在任甫兩年九年夏江水盛漲無爲江壩岌岌不可保大吏以炳習於廬能勤事調署無爲州旣任事卽親駐江壩督率保險十年春復往江壩定界址加培築秋汎至

險工又迭出炳在工數月紳士見水勢畧定請入署省太夫人不可有鎮江翰林戴恒之封翁慕義遠來運米數千石代修堤本屬紳士益盡力壩工遂竟於是辦畝捐建義倉以備荒四門建義學捐廉爲脩脯教養漸有基十一年秋大吏委署泗州而實缺已回任中途折回卒以十三年秋辦甯國縣荒田清丈邁疾卒

采訪冊以上無爲

知州

陳自明奉天人知巢縣事長厚清廉莅任九年如一日

康熙志

聶芳字桂侯福建貢生知縣事吏治勤勞文章博瞻革現年以蘇民困立滾單以善催科修舉墜廢巢治一新

康熙志

于覺世山東新城人進士康熙七年任巢邑有惠政修理浮橋纂輯縣志縣志

楊極奉天人官巢令催科有方刑罰不濫吏畏民懷時稱能吏縣志

裴振元滿洲正白旗人官於巢始創催科條例民以為便縣志

孫芝芳河南磁州人監生康熙五十三年任縣事始於獄中別設女監人頌其德縣志

李襲祖河南夏邑人知巢縣護持士類邑人思之後署來安為猾吏所中免官縣志

續修廬州府志

卷二十六

名宦傳三

三

鄒瑛四川榮縣人舉人雍正七年任巢令捐俸立義學聘邑中知名士纂輯縣志以疾卒於官縣志

華湘江蘇無錫人舉人乾隆六年知縣事創建試院以庇多士縣志

狄寬江蘇溧陽人進士乾隆十二年任巢邑令性仁明所至問民疾苦巢湖故多風浪捐俸置救生船全活甚眾城河為水驛衝修治浮梁商旅便之建保嬰堂杜民間溺女邑中田畝三圩七山每憂旱澇為濬陂塘利瀦洩至今食其利莅任六年治稱最調望江士民送之遮道百餘里有泣下者民以周思克後一人而已請祀名

宦縣志

譚之紀湖南茶陵州人選貢乾隆十七年治巢邑教民種桑麻並刊示蠶桑成法以導之縣志

史必大山西榆次人舉人乾隆三十八年之任學宮傾圮與邑人議遷於牛山之陽城東別建文昌閣北關設

奎星樓皆有碑記縣志

徐日簪江蘇陽湖人乾隆四十三年署任督修學宮未竟調任去縣志

莫宗蔭湖南益陽縣人由明通榜進士任巢縣性仁厚在巢十載民安其政同考四次得士最多縣志

許肇封浙江海甯人舉人吏事練達愛民重士為風雅宗多善政士民悅服縣志

續修廬州府志 卷二十六 名宦傳三

三

魏象彩甘肅肅州人增貢生廉潔勤謹關防嚴肅人不致干以私士民愛之縣志

牛映奎山西徐溝人舉順天鄉試嘉慶十年任為政取法古人愛民如子廉潔自矢月俸不繼邑民負米饋之

縣志

王椿林字柳樵山西文水人舉人道光初補巢縣至則興利除害表揚節孝清釐詞訟十一年巢縣水決虔禱河神水勢頓止捐廉辦賑蒸麵為饘計口散給一日領數口之需饑民稱便費近二千金通志

蔡家馨字楚香鍾祥人拔貢同治四年任巢縣知縣兵燹之餘經營善後勸捐重建學宮於縣治故址又建書

院於定林寺廢趾通志以上

宋以下
參佐

呂夷簡字坦夫壽州人祥符中以知茶鹽場兼無為通

判有惠澤及民後知開封寬猛有制祀名宦明隆慶志

張運字南仲貴溪人紹興五年通判鼎州破賊四十二

柵降其眾移貳濡須金人侵廬壽等州大將駐兵淮壩

以拒之運主糧餉未嘗乏絕康熙志

王洙字原淑應天宋城人中甲科補舒城尉洙汎覽傳

記至圖緯方技陰陽五行算數音律詁訓篆隸之學無

所不通終侍讀學士諡曰文忠宋史

楊告綿竹人允恭子賜同學究出身調廬江尉時張景

續修廬州府志 卷二十九 名宦傳三 三

答吏死而吏捕急逃歸告懼不見納告曰君勿憂也景

卒免告曉法令知財利不務苛刻時號能吏宋史

焦抑紹興間任巢縣丞值歲饑帑空抑極力佐合行寬

郵節省之政設粥濟饑民存活者眾尤加意學校當時

以文章政事稱之明隆慶志

孫覺字莘老高郵人登進士第調合肥主簿歲旱州課

民捕蝗輸之官覺言民方艱食難督以威若以米易之

必盡力是為除害而享利也守悅推其說下之他縣民

竝賴之後知廣德州徙廬州改右司諫宋史

元

王碩河南人延祐初任無為州同知廉潔有幹才不畏

強禦營承監司檄清理學田夙夜究心搜抉隱漏得田一百一十九頃又追積負糧米三百石自是廩有餘粟士得餼養

明崇禎志 李森 碑

明

魯執中壽州人儒士洪武二年授無為州同知臨政簡

實吏民稱便進解州同知

明隆慶志

王益新城人由鄉薦任霍邱令陞無為州同廉明果斷

以興學為己任時承差千百戶挾威殘民悉捕而杖之

民賴以安

明崇禎志

陳善長汀人登進士授庶吉士正統元年同知無為州

事公正廉平興利祛弊民甚德之祀名宦

明崇禎志

續修廬州府志 卷二十八 名宦傳三

三

齊恩陝西隆德人監生任無為州同知坦夷廉直長於

騎射時寇犯潤之圖山檄恩往禦以寡眾不敵及其婿

與僕皆死之事聞贈光祿寺丞蔭一子

明崇禎志

丁健湖廣孝感感人任無為州判有剖決才上官委以疑

獄輒多平反尋以賢能調用士民乞留復任

明崇禎志

劉公秦湖廣貢生授合肥縣丞剛毅清約捐俸置店埠

鎮樓垣民獲安堵

明隆慶志

韓志義陝西人任巢縣典史壬午賊至血戰中流矢卒

史可法親為文以祭之其僕素驍勇善射陣河南拒賊

賊不敢逼

康熙志

陳國梁浙江舉人任巢縣典史勤政恤民時大兵大疫

捐囊建忠烈祠於縣側爲民祈福微員中所僅見也康熙

吳先芳明萬曆間任集典史無公舍僦屋而居去任日貧不能治裝民助之縣志

國朝

彭鳴九字鶴皋湖南衡陽人懷甯三橋巡檢道光元年調合肥梁園巡檢好善嫉惡剛直不阿擒獲盜賊擒匪處以嚴刑奸宄斂跡有陳氏節婦爲夫弟偏縊者密白上官雪其冤論如律盛夏施丸散解瘟疫布衣蔬食廉俸外不取民間一絲一粟愛民息訟合肥人至今稱誦之以子玉麟宮贈光祿大夫兼振威將軍通志

續修廬州府志 卷二十六 名宦傳三

三

劉賦德湖廣巴陵人順治十七年官巢縣典史歲荒有鬻女者捐俸代贖之愛巢山水之勝因家焉孫菘官至京口營副將縣志

高國炳大興縣人合肥縣梁園巡檢咸豐二年奉委帶勇守廬城城陷被害於城頭其母與其妻女同時殉難

已請 旌卹採訪冊

宋以下教職武職

周邦彥字美成錢塘人博涉百家之書元豐初游京師獻汴都賦萬餘言神宗異之命侍臣讀於邇英殿召赴政事堂自太學諸生一命爲正學居五歲不遷益盡力於辭章出教授廬州徽宗時拜秘書監進徽猷閣待制

提舉大晟府未幾知順昌府徙處州邦彥好音樂能自度曲製樂府長短句詞韻清蔚傳於世宋史

楊邦乂字晦稷吉水人博通古今以舍選登進士第遭

時多艱每以節義自許歷婺源尉廬建康三郡教授

改秩知溧陽縣建炎三年金人濟江時李梈陳邦光守

建康率官屬迎拜惟邦乂不屈膝金帥完顏宗弼殺之

剖取其心事聞贈直秘閣賜田三頃七年加贈徽猷閣

待制增賜田三頃宋史

明

孫佐字良輔浙江山陰人登乙科宏治十年任廬州教

授樸質重厚為教育方諸生貧乏者捐俸賙之明隆慶志

續修廬州府志

卷二十八

名宦傳三

三

彭璜江西太和人舉於鄉初任知縣以方正改浙江都

事再改廬州教授博雅廉靜郵貧寒抑豪侈雖世官清

要而不以驕人郡守欲卽堂後舊亭改署敬一箴璜力

爭不已因是罷去明隆慶志

聶曼字子貞江西金谿人南京國子監助教改廬州教

授傳家山性學尤邃於易終日端坐無惰容太守清南

王公雅重之性喜施予捐資助僚友喪葬諸生窘甚者

月給以米嘗典北試得士最多明隆慶志

潘洙字士鼎福建解元成進士改教授天性平淡自云

精神萃於舉業者二十年日聚士於啟聖祠教令為文

後補銓部復紆道過廬取囊士再課之見業不加進者

殷殷切責令人有去後思

康熙志

曾師孔福建侯官縣人成化中以鄉舉署合肥教諭存

心嚴正學問深厚見諸生有貧乏者往往捐常祿助之

都憲孝感張瓚按臨師孔以老疾辭張嘉之檄有司以

禮獎異

明隆慶志

于鳳字宣治江西新淦人宏治甲子舉於鄉正德八年

署合肥教諭性孝友居身清約田心正學教重本源在

官三年一介不取接人無疾言厲色諸生有不善唯恐

知之丙子秋以疾卒祀名宦

明隆慶志

胡聰甫舒城人洪武初授本學教諭通知古今和厚有

長者風

康熙志

續修廬州府志

卷二十六

名宦傳三

三

芒文縝為舒城教諭時蜀王在中都遣使延之論文贈

以詩有志學復同道之句

明崇禎志

顧琛舒城教諭行可範士尤丁於詩

明崇禎志

黃貴舒城教諭立教嚴飭取予不苟一時人士奉為典

型

明崇禎志

周璇為舒城教諭端重簡默師範肅然周恤貧士不惜

自出已資邑人思之

明崇禎志

孫士美上海舉人為舒城教諭豈弟作人士林戴之時

流氛逼舒率諸生協力備禦城陷死焉事聞郵贈京秩

康熙志

朱邦喜臨川人舒城訓導講學論文獎貞磨鈍後中應

天戊子鄉試陞嘉興府同知

明崇禎志

陳中州浙江青田人貢生嘉靖十二年署廬江教諭事文學優贍有盛名謁選時鄉人有貴顯者命作榷清殿賦許以要職竟不就端已率士談道自樂不媿古高士

云

明隆慶志

周以魯安福人為廬江教諭以道自任每於金剛寺講明正學寒暑不輟惠貧士卻束脩後陞銓部司務

縣志

王守道沛縣人貢生任廬江教諭平淡寡營每日袍服坐堂上稱說理道表章文成慈湖之學士類翕然向風祭器缺捐俸修之歲斂學租弟子中次第其尤貧者加

給焉陞常德府教授致仕

明崇禎志

續修廬州府志

卷二十六

名宦傳三

三五

王元佐泗州人任廬江訓導轉教諭與士子相接如家人日聯社為文模範條教一如古人

明崇禎志

燕洧河南人舉人任廬江訓導慨然任興起人文之責嚴立軌範因材成就諸生中貧而有志者分俸給之後

卒於官

明崇禎志

鄭閻為無為州學正學問該博訓士不倦深得士心

明崇禎志

陳道曾福建人進士任州學正通五經規矩整肅士子

稱嚴師焉

明崇禎志

周楹江西安福人舉人任無為學正存心公恕文學甚優陞甯化知縣

明崇禎志

鄭伯和閩縣人舉人任無爲學正通經史百家爲文有體裁遠近師法當道聘取衡文去取悉當士林咸推重之祀名宦

明崇禎志

林學道福建莆田人由歲貢任無爲學正學有淵源躬行實踐以興起斯文爲己任年七十以禮致仕祀名宦

明崇禎志

陳蘭江西舉人無爲訓導文學優邃勤於啟迪屢膺聘主文衡所得多知名士

康熙志

陳瑞莆田人舉人巢縣教諭嚴師範文風丕振毀淫祠新學宮崇祀名宦

明崇禎志

許仁仁和人鄭豸福建人俱以鄉舉爲巢縣教諭師模

續修廬州府志

卷二十九

名宦傳三

三

教澤數十年人尙思之

康熙志

謝誨巢縣教諭性嚴重有師範修築牆垣栽培樹植賢序爲之一新

康熙志

朱有光巢縣教諭鄭重端雅留心勸課賑貧卻饋模範重一時

康熙志

馬爾駮巢縣教諭性敦謹愛名流於士之貧而有行者更爲加意生平習呂祖謙文在巢著有博議粹語行世

康熙志

王彝章宜興舉人爲邑教諭課士甚勤建魁閣修文峯於庠序爲有勞焉

康熙志

徐宏泰上虞縣舉人巢縣訓導才敏性爽談詞醇雅尤

喜鋤强豪伸士氣文風振起巢人至今思之縣志

桂連慈谿舉人巢縣訓導毀淫祠改爲尊經閣至以死

爭之崇祀名宦明崇禎志

許端惠浙江舉人簡聯廣東貢生清嚴和易師範甚著

俱任訓導康熙志

曹可教豐縣貢生邑訓導立心端厚諄諄以孝弟勉人

康熙志

劉士鼇安東貢生邑訓導雅度冲襟能消士子俗氣康熙志

劉光楚潁州貢生邑訓導素尚高潔不一年引退康熙志

汪震鯤雲南貢生官巢邑訓導立心渾厚與物無競侍

續修廬州府志 卷二十八 名宦傳三 三

其側者穆然如坐春風中康熙志

國朝

吳子雲字霞蒸桐城人進士改府學教授者成謹厚模

範甚端官至河南提學道僉事康熙志

詹履道宣城人官府學教授留心文獻後權任羅江知

縣乃重刊宋包孝肅奏疏云嘉慶志以廬州府學

汪繼序字東廷旌德舉人楊懌鑿字挹峯金山舉人同

時任合肥學官以學問爲太守所重嘉慶間修志均在

事采訪冊

陸繼輅字祁生陽湖人由舉人任合肥教諭博學工文

詞留心人才上官禮異之所交多名流如蔡靜遠趙響

泉盧半溪夏奇峯吳菊坡史半樓王二石趙野航徐荔菴張娛存王子樞趙雲持等莫不砥礪廉隅研究經史上紹國初盛時諸老風雅固由典型之未墜亦賴提倡之有人也繼輅輯有肥水蘭言錄未卒業以卓異去擢

江西貴池知縣縣志以合肥學

朱榮實字秋園涇縣人學有根柢由拔貢生中道光庚子江南第一名舉人官廬江訓導士子爭就之學文以丁艱歸後官湖北知縣所著有一經樓隨筆漱六堂詩

古文鈔通志

饒恕良字玉堂祁門歲貢任廬江訓導勤於教育月課外授以經義反覆講解多所發明士林獲益尤以廉隅

續修廬州府志 卷二十六 名宦傳三

三

勉人一言一行身教先之以是人爭取則年七十三卒

官所著有經解一隅讀書日記養中堂駢體文吟紅山

館詩集行世采訪冊以上廬江學以

徐鳳喈金壇人舉人制藝圓潔詩倣王孟任舒城教諭正直忠恕後以憂去官舒人留之設教三河嚴條約講學闡性命之旨一時俊乂皆遊其門服闋補任太湖卒

於官府案

金標江浦人壬子拔貢學養兼優重禮法有古君子風授舒城教諭嚴立規條訂期課士講解經義雅重孝友根柢之學不徒事文辭年八十餘以老疾去官卒於家舒士至今思其教府案

徐干之潛山人拔貢爲舒城教諭才識超邁縣學傾圮
干之蒞任卽倡修櫺星泮橋儀門大成殿又圍牆甬道
一椽片石種栢栽槐皆其手澤乙未旱與賑事多所全
活民戴其德每月嚴條約課士評隲甲乙士多賴以成
著有靜遠堂時藝年七十六陞國子監學正府案
盧澤號芷泉山陽縣舉人文名噪一時官舒城教諭喜
獎掖後進邑人鮑麟昭胡萬年孔廣義靳徹皆出其門
後擢徽州學官時訓導駱騰鳳號春池亦以能文名教
士有法舒人至今稱盧駱采訪冊

童玫上海人以明經授舒城訓導爲人嚴重廉潔課士
勤恕暇則飲酒賦詩以爲常年八十餘致仕臨行止攜

來時兩敝籠圖書數卷而已府案

萬人長睢甯人年九十三始以明經授舒城訓導爲人
骨鯁面如凍梨不杖不扶步履拜跪如壯時諸生課藝
手自批點不倦暇時猶潑墨畫米家山水得其片幅者
無不珍藏致仕年九十六府案

徐文璠興化人孝友姻睦間里咸推重之以明經爲舒
城訓導課士以實學敦品爲最條約一仿蘇湖暇則日
手一編自娛苜盤寒儉晏如也府案

余汝霖銅陵人以明經授舒城訓導厚德謙光有先儒
風在官以講學興賢爲己任設條教課士評隲不苟士
貧乏不能赴試者時割清俸飲助之爲制藝一遵瞿唐

詩賦摹範盛唐凡修邑乘新學宮葺試院皆其善政也
年八十三卒於官返櫬時歸人士釀酒執紼延數十餘
里其盛德之感人如此府案以

慶錫榮原名首恒字子柔含山人同治乙丑進士授編
修洊補御史清正有聲初官無為學正教士以敦品為
先嘗謂為學不從根本上著力則持躬處世都無實處

好郵寒士庠序中有貧困者輒分俸以資膏火在任數
年多所造就采訪冊

張興鏞江蘇華亭舉人為州學正工詩善教培植良厚
采訪冊以
上無為學

吳調元上元舉人署巢邑教諭學行素聞著同歸集十
續修廬州府志 卷二十六 名宦傳三 罕

卷用以勸善至撫育前師之嗣尤敦古誼陞東阿知縣
康熙志

魏侯聘崇明貢生巢邑教諭和藹周詳力任修學捐囊
罄篋并出前任望江之俸締造更新康熙志

呂鏗無錫舉人署教諭在任能整飭學規呂令振每事
就商陞國子監學正康熙志

蘇庭煜蒙城人拔貢生號虛谷山人由四庫館騰錄敘
勞授巢縣教諭工書畫善竹石名重一時人得其片楮
尺幅皆寶之年九十餘卒縣志

舒文燦黟縣貢生任巢縣訓導秉性剛介與人和藹陞
儀徵縣教諭縣志以
上巢縣學

徐紹字椒林漢軍武舉人乾隆間官廬州衛守備能詩
權奇倜儻喜與士大夫唱和在官有績後權貴州參將
采訪
冊

韓映奎字耀輝三歲失怙賴母成立以武庠生投標効
力道光十九年從征定海上海著有勞績拔補把總獲
積匪多起超升千總旋任安徽壽州合肥營把總咸豐
二年秋粵逆至湖南映奎奉皖撫檄管帶廬州營兵馳
赴楚中聽調駐鄂岳之交岳州有土匪王萬里陰聚徒
黨勾連粵匪大吏檄映奎捕治映奎尅日擒獲散其眾
未幾岳州失守賊東下湖非常巡撫知映奎能軍調入
城守武勝門賊迭次仰攻悉力堵禦兀立城堞間麾所
部隨機應敵至十餘晝夜嗣文昌門隧道藥發城圯賊
蜂擁入城守陴者四散映奎挺身巷戰手刃多賊力竭
被害於安家花園事聞得

續修廬州府志 卷二十八 名宦傳三 三

旨賜卹世襲雲騎尉映奎有子五人後皆以武功顯仕以長子

殿甲貴贈振威將軍 湖北省城韓公殉難碑

沈鐘六安州人乾隆五十年任巢縣外委談辭風雅在
事公勤延名師課諸子禮敬備至子巍皆癸酉江南解
元甲戌詞林峩皆亦成進士 縣志以武職